

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA KUMI NA TANO**

**KIKAO CHA HAMSINI NA MOJA**

24 JUNI, 2019



## ORODHA YA SHUGHULI ZA LEO

### MKUTANO WA KUMI NA TANO

KIKAO CHA HAMSINI NA MOJA – TAREHE 24 JUNI, 2019

I. DUA:

II. MASWALI:

OFISI YA RAIS (TAMISEMI):

**434. MHESHIMIWA SABREENA HAMZA SUNGURA (VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Kituo cha Afya kilichopo Kigoma Ujiji Manispaa kinahudumia wakazi zaidi ya elfu arobaini katika Kata kumi na moja za Manispaa lakini kina kinakabiliwa na ukosefu wa Chumba cha *Theatre*, *X-ray* pamoja na *Ultra Sound*:-

Je, ni lini Serikali itakipatia Kituo hiki vifaa hivyo ili kusaidia Wananchi hao wanaohudumiwa na Kituo hicho.

**435. MHESHIMIWA YOSEPHER FERDINAND KOMBA (VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Sekondari ya Lanzoni iliyopo Wilayani Mkinga ilianzishwa Mwaka 1995 kwa lengo la kuchukua Wanafunzi wa chaguo la pili lakini inakabiliwa na changamoto ya ukosefu wa umeme, maji, usafiri pamoja na makazi ya Watumishi:-

Je, Serikali ina mikakati gani ya kushirikiana na Halmashauri ya Mkinga katika kutatua changamoto hizo.

**OFISI YA MAKAMU WA RAIS (MUUNGANO NA MAZINGIRA):**

**436. MHESHIMIWA KHATIB SAID HAJI (KONDE):**

Atamuuliza Mheshimiwa Waziri wa Nchi, Ofisi ya Makamu wa Rais (Muungano na Mazingira):- Athari za mabadiliko ya tabia nchi zimesababisha uharibifu mkubwa katika Bandari ya Tanga eneo la “Deep Sea” lango Kuu la kuingia na kutokea katika bandari hiyo:-

Je, Serikali inachukua hatua gani za dharura kudhibiti uharibufu huo.

## **WIZARA YA MAJI:**

### **437. MHESHIMIWA MOHAMED OMARY MCHENGERWA (RUFJI):**

Atamuuliza Mheshimiwa Waziri wa Maji:- Matatizo ya maji katika Jimbo la Rufiji ni ya muda mrefu kwenye maeneo kadhaa hususan Kata ya Ngarambe maji hupatikana kwa umbali zaidi ya km 7 - 10 na kwa kuwa Serikali sasa inaleta Sera ya Maji ndani ya mita 400:-

Je, ni lini Serikali itatatua kero ya maji katika Kata ya Ngarambe, Mbwala, Chumbi, Muholo, Kipugila na maeneo mbalimbali ya Tarafa ya Ikwiriri hata kwa kuchimba visima

### **438. MHESHIMIWA DEO KASENYENDA SANGA (MAKAMBAKO):**

Atamuuliza Mheshimiwa Waziri wa Maji:- Mradi wa Maji wa Bwawani umekuwa ukisuasua kujengwa ikiwemo kuzungushiwa uzio:-

Je, ni lini mradi huo utakamilika.



## **WIZARA YA UJENZI, UCHUKUZI NA MAWASILIANO:**

### **439. MHESHIMIWA ALEX RAPHAEL GASHAZA (NGARA):**

Atamuuliza Mheshimiwa Waziri wa Ujenzi, Uchukuzi na Mawasiliano:- Wakati wa Mkutano wa Bunge wa Bajeti niliwasilisha Orodha ya Vijiji 11 vinavyohitaji kujengewa minara ambavyo ni Chivu, Runzenze, Kigina na Ntoboye Kata ya Ntoboye, Murubanga, Kititiza, Kumubuga Kata ya Nyamagoma, Kijiji cha Mukalinzi Kata ya Muganza na Kijiji cha Ruhuba Kata ya Mbuba:-

Je, ni lini Serikali itatenga fedha kwa ajili ya ujenzi wa minara hiyo ili kurahisisha mawasiliano kwa Wananchi wa vijiji hivyo hasa ikizingatiwa kuwa vijiji hivyo viko pembeni mwa Jimbo na hali ya usalama katika maeneo hayo sio nzuri.



### **440. MHESHIMIWA LOLESIA JEREMIAH BUKWIMBA (BUSANDA):**

Atamuuliza Mheshimiwa Waziri wa Ujenzi, Uchukuzi na Mawasiliano:-

Je, ni lini Serikali itapandisha hadhi barabara ya Katoro –Busanda – Nyakamwaga – Nyabululo – Kamena – Nyamalimbe – Mwingiro kuwa barabara ya Mkoa.

**441. MHESHIMIWA ORAN MANASE NJEZA (MBEYA VIJINI):**

Atamuuliza Mheshimiwa Waziri wa Ujenzi, Uchukuzi na Mawasiliano:- Katika kukabiliana na ushindani na Bandari za nchi jirani, Mamlaka ya Usimamizi wa Bandari Tanzania ina mpango wa kuanzisha Bandari kavu katika eneo la kimkakati la Inyala lililopo katika Wilaya ya Mbeya:-

- (a) Je, ni lini tathmini ya fidia kwa Wananchi itakamilika;
- (b) Je, ni lini ujenzi wa Bandari Kavu ya Inyala utaanza;
- (c) Je, kuna mkakati wa ujenzi wa reli kuunganisha Bandari Kavu ya Inyala na Bandari ya Itungi (Kyela).

**WIZARA YA MAMBO YA NDANI YA NCHI:**

**442. MHESHIMIWA JOSEPH KASHEKU MUSUKUMA (GEITA):**

Atamuuliza Mheshimiwa Waziri wa Mambo ya Ndani ya Nchi:- Kituo cha Polisi Nkome kina Askari wa kiume pekee; hivyo, hata huduma kwa Akina Mama ikiwemo upekuzi hufanywa na Askari wa kiume:-

Je, ni lini sasa Serikali itapeleka Askari wa Kike katika Kituo hicho.

**443. MHESHIMIWA DAIMU IDDI MPAKATE (TUNDURU KUSINI):**

Atamuuliza Mheshimiwa Waziri wa Mambo ya Ndani ya Nchi:- Kituo cha Polisi Lukumbule kiliungua moto miaka mitano iliyopita na mpaka sasa Kituo hicho hakina Askari na kimefungwa:-

- (a) Je, ni lini Serikali itakirejesha Kituo hicho hasa ikizingatiwa kuwa kipo mpakani mwa nchi ya Msumbiji;
- (b) Je, ni lini Serikali itaweka Kituo cha Uhamiaji katika Kituo hicho cha Lukumbule;
- (c) Je, Serikali ina mpango gani wa kumalizia ujenzi wa Kituo cha Polisi Lukumbule ambacho kimeishia kwenye Lenta baada ya Halmashauri kushindwa kumalizia ujenzi huo.

**WIZARA YA AFYA, MAENDELEO YA JAMII, JINSIA, WAZEE NA WATOTO:**



**444. MHESHIMIWA TASKA RESTITUTA MBOGO  
(VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Mkoa wa Katavi hauna kifaa cha kumsaidia mtoto aliye mdhaifu (*Ambu bag*):-

Je, ni lini Serikali itawasaidia Wananchi wa Mkoa wa Katavi kifaa hicho.

**445. MHESHIMIWA DEVOTHA MATHEW MINJA  
(VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Wazee ni hazina ya Taifa lakini wapo Wazee wasiojiweza ambao Serikali imewapa hifadhi katika Kambi mbalimbali ikiwemo Kambi ya Fungafunga ya Mjini Morogoro; lakini kambi hiyo ni chakavu kwa muda mrefu hali inayosababisha Wazee kuendelea kuishi katika mazingira magumu.

Je, Serikali ina mkakati gani wa kukarabati Kambi hiyo.

**WIZARA YA KILIMO:**

**446. MHESHIMIWA MARWA RYOBA CHACHA  
(SERENGETI):**



Atamuuliza Mheshimiwa Waziri wa Kilimo:-  
Mabwawa ya Mesaga, Nyamitita na Bugerera  
katika Wilaya ya Serengeti yalikuwa katika  
mchakato wa kujengwa kwa ajili ya umwagiliaji:-

Je, mchakato huo umefikia wapi.


### III. HOJA ZA SERIKALI:

#### WAZIRI WA FEDHA NA MIPANGO:

Kwamba, Bunge likubali kujadili Hali ya Uchumi wa Taifa kwa Mwaka 2018 na Mpango wa Maendeleo wa Taifa kwa Mwaka wa Fedha 2019/2020.

Kwamba, Bunge likubali kupitisha Mapendekezo ya Serikali kuhusu Makadirio ya Mapato na Matumizi kwa Mwaka wa Fedha 2019/2020.

*(Majadiliano yanaendelea)*



**DODOMA**  
**24 JUNI, 2019**

**S. KAGAIGAI**  
**KATIBU WA BUNGE**